



Socijaldemokratska partija Bosne i Hercegovine

Социјалдемократска партија Босне и Херцеговине

BOSNA I HERCEGOVINA
FEDERACIJA BOSNE I HERCEGOVINE
sloboda, jednakost, solidarnost

ZEMSKO DOBOJSKI KANTON

GRAD ZAVIDOVIĆI

STRUCNA SLUŽBA GRADONAČELNIKA

Br: 018-1-GV/25

Datum: 29.05.2025.godine

Primljeno: 02-07-2025			
Org. jed.	Kl. ozna.	Red. broj	Br. priloga
01	04	1488/25	

BOSNA I HERCEGOVINA
FEDERACIJA BOSNE I HERCEGOVINE
GRAD ZAVIDOVIĆI
GRADSKO VIJEĆE ZAVIDOVIĆI
n/r. gđa. Amira Hadžić, predsjedavajuća GV-a

Predmet: Inicijativa za donošenje Odluke za izmjene i usklađivanja internih pravilnika i pristupanje postupku prijave i implementacije elektronskog izdavanja i razmjene CIPS potvrda, dostavlja se

Poštovana/i,

na osnovu člana 109. Poslovnika o radu Gradskog vijeća Zavidovići, Klub vijećnika Socijaldemokratske partije BiH u Gradskom vijeću Zavidovići podnosi **INICIJATIVU** za donošenje Odluke za izmjene i usklađivanja internih pravilnika i pristupanje postupku prijave i implementacije elektronskog izdavanja i razmjene CIPS potvrda.

U skladu sa stavom 4. pomenutog člana ovu Inicijativu dostavljamo u pisanoj formi sa

OBRAZLOŽENJEM kako slijedi:

Početkom prošle godine, Agencija za identifikacione dokumente, evidenciju i razmjenu podataka BiH (IDDEEA) uspostavila je tehničke uslove za izdavanje i razmjenu CIPS potvrda. Do danas, ovaj sistem je implementiran u 33 grada i opštine i 25 javnih institucija u BiH. Među gradovima i opštinama u kojima je implementiran ovaj sistem, nema naše lokalne zajednice i našeg grada. Od institucija iz našeg grada pristup ovoj bazi podataka posjeduje samo JU Centar za socijalni rad Zavidovići.

Ulaskom u ovaj elektronski sistem razmjene podataka ukida se potreba za dostavljanjem papirne verzije CIPS potvrda. Institucije koje potpišu sporazum sa IDDEEA-om sada mogu pristupiti brojnim podacima građana, što olakšava i ubrzava administrativne procedure, te olakšava postupke po zahtjevima i potrebama našim građanima. Takođe sa implementacijom ove aktivnosti dokumenti koje građani više neće morati donositi u štampanom obliku uključuju: uvjerenje o prebivalištu, kopije lične karte, pasoša ili vozačke dozvole, JMB, podatke o državljanstvu, te podatke iz registra boravišta.

Da bi se postalo dio elektronskog sistema IDDEEA-e, organ uprave grada i institucije moraju podnijeti zahtjev Agenciji. Nakon obrade se dobija odobrenje za pristup i razmjenu podataka.

Gradska organizacija SDP BiH Zavidovići

Градска организација СДП БиХ Завидовићи

Sekretarijat:

Adresa: dr.Pinkasa Banta bb
(zgrada „Stare općine“)
72220 Zavidovići
Bosna i Hercegovina

Tel: +387 (0) 32 879-040
Fax: +387 (0) 32 879-040
E-mail: sdpzdici@bih.net.ba

www.sdp.ba

facebook.com/sdpbih

facebook.com/sdpbihzavidovici

Po dobijanju odobrenja, potrebno je provesti u najkraćem mogućem roku, izmjenu i usklađivanje internih pravilnika (ukoliko postoje zakonska i proceduralna ograničenja) i „ukinuti praksu“ traženja službenika, papirnih dokaza od građana. U skladu sa ovlaštenjima i mogućnostima inicirati i javnim ustanovama i institucijama našeg grada pokretanje postupka i implementacije ove aktivnosti.

Iz svega gore navedenog i potreba za ovom inicijativom i urgentnost pri realizaciji, u cilju prije svega zadovoljenja zahtjeva i potreba naših građana, olakšanja i ubrzanja administrativnih procedura, ali i širenju mreže elektronskih usluga u našoj zemlji.

Sredstva za realizaciju ove Inicijative nisu velika i mogu se obezbijediti iz Budžeta Grada Zavidovići za 2025.godinu iz više transferisanih stavki.

Za realizaciju ove Inicijative zadužuje se Gradonačelnica sa nadležnom/im Gradskim službama.

S poštovanjem,



za Klub vijećnika SDP BiH u GV Zavidovići

Igor Šimšić



Broj: 02-04-1376/25-AP-5

Datum: 20.06.2025. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Stav po inicijativi vijećnika Igora Šimšića za donošenje Odluke za izmjene i usklađivanja internih pravilnika i pristupanje postupku prijave i implementacije elektronskog izdavanja i razmjene CIPS potvrda, dostavlja se

U prilogu akta dostavljam vam stav po inicijativi vijećnika Igora Šimšića podnesenu za donošenje Odluke za izmjene i usklađivanja internih pravilnika i pristupanje postupku prijave i implementacije elektronskog izdavanja i razmjene CIPS potvrda.

Stav po podnesenoj inicijativi dostavljam u skladu sa članom 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023).


S poštovanjem

Dostavljeno:

1. Naslovu,
2. U spis.

Akt pripremila: J.M.
(Fatima Merdanović)

Akt pregledao: Nermin
(Nermin Čahtarević)



GRADONAČELNICA

mr. iur. Erna Merdić Smailhodžić



Broj: 02-04-1376/25-AP-4

Datum: 20.06.2025. godine

GRAD ZAVIDOVIĆI
GRADSKO VIJEĆE ZAVIDOVIĆI
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Igora Šimšića za donošenje Odluke za izmjene i usklađivanja internih pravilnika i pristupanje postupku prijave i implementacije elektronskog izdavanja i razmjene CIPS potvrda dostavljam:

PREDMET: Stav po inicijativi vijećnika Igora Šimšića za donošenje Odluke za izmjene i usklađivanja internih pravilnika i pristupanje postupku prijave i implementacije elektronskog izdavanja i razmjene CIPS potvrda, dostavlja se

Inicijativu vijećnika Igora Šimšića za donošenje Odluke za izmjene i usklađivanja internih pravilnika i pristupanje postupku prijave i implementacije elektronskog izdavanja i razmjene CIPS potvrda ne treba prihvatiti.

Grad Zavidovići je početkom godine pokrenuo postupak za pristup evidenciji jedinstvenog matičnog broja i prebivališta i boravišta državljana Bosne i Hercegovine. Nakon provedene procedure Grad Zavidovići je izvršio nabavku potrebne opreme, Firewall-a i dodatnog internet paketa sa statičkom IP adresom, za potrebe uspostavljanja VPN konekcije sa Agencijom za identifikacione dokumente, evidenciju i razmjenu podataka Bosne i Hercegovine.

Agencija za identifikacione dokumente, evidenciju i razmjenu podataka Bosne i Hercegovine i Grad Zavidovići 05.03.2025. godine potpisali su Sporazum o stalnom pristupu podacima prijemnog organa putem web servisa, broj: UP-15-06/3-07-8-940-3/2025 od 05.03.2025. godine.

Trenutno se može izvršiti pregled traženih podataka preko web platforme Agencije za identifikacione dokumente, evidenciju i razmjenu podataka Bosne i Hercegovine, ali se ne može izvršiti printanje podataka radi čuvanja u spisu.

Stručna služba gradonačelnika u narednom periodu planira pokrenuti postupak javne nabavke kupovinu potrebne aplikacije. Zbog navedenih aktivnosti koje je pokrenula Stručna služba gradonačelnika predmetna inicijativa se ne prihvata.

U prilogu akta dostavljam Vam Sporazum o stalnom pristupu podacima prijemnog organa putem web servisa, broj: UP-15-06/3-07-8-940-3/2025 od 05.03.2025. godine.

S poštovanjem

Dostavljeno:

1. Naslovu,
2. U spis.

Akt pripremio: 
(Imes Avdić)

Akt pregledao: 
(Nermin Čahtarević)



GRADONAČELNICA

mr. iur. Erma Merdić Smailhodžić

SPORAZUM

o stalnom pristupu podacima prijemnog organa putem web servisa

Zaključen između:

1. Agencije za identifikacione dokumente, evidenciju i razmjenu podataka Bosne i Hercegovine (u daljem tekstu: Agencija), ul. Ivana Franje Jukića br. 2, 78000 Banja Luka, koju zastupa direktor prof. dr. Almir Badnjević, s jedne strane
- i
2. Grad Zavidovići (u daljem tekstu: Korisnik podataka), ul. Mehmed paše-Sokolovića br.9, 72220 Zavidovići kojeg zastupa gradonačelnica mr.iur. Erna Merdić Smailhodžić, s druge strane

Član 1. (Predmet)

Ovim sporazumom uređuju se međusobni odnosi u vezi korištenja i načina pristupa podacima iz evidencija koje vodi i tehnički održava Agencija, a koji su Korisniku podatka odobreni Rješenjem br.UP-15-06/3-07-8-940-2/2025 od 04.02.2025. godine, a u skladu sa članom 8. stav 1. tačka f) Zakona o Agenciji za identifikaciona dokumenta, evidenciju i razmjenu podataka BiH ("Službeni glasnik BiH" broj 56/08), te člana 7a. stav 4. Pravilnika o načinu pristupa evidencijama i razmjeni podataka ("Službeni glasnik BiH" broj 35/09 i 55/15).

Član 2. (Tehnička pravila zaštite i razmjene podataka)

Agencija i Korisnik podataka saglasni su da će Agencija omogućiti stalni pristup podacima iz člana 1. ovog Sporazuma, pri čemu rezultat potraživanja obezbjeđuje prijem podataka evidentiranih u evidencijama Agencije, u skladu sa tehničkim pravilima zaštite i razmjene podataka definisanim u članu 13. Pravilnika o načinu pristupa evidencijama i razmjeni podataka.

Član 3. (Način uspostavljanja komunikacije)

(1) Pristup podacima evidentiranim u evidencijama, koje vodi Agencija, Korisnik podataka ostvaruje putem VPN sigurne konekcije-Internet, na bazi IPSec site-to-site.

(2) Za uspostavljanje komunikacije iz prethodnog stava, Korisnik podataka se obavezuje da na svojoj lokaciji obezbijedi uređaj za kreiranje konekcije. Karakteristike uređaja definisane su u Standardima za opremu i softver (Verzija 8) koji su dostupni na zvaničnoj web stranici Agencije na www.iddeea.gov.ba.

(3) Sve troškove vezane za obezbjeđivanje pomenutih preduslova za uspostavljanje komunikacije snosi Korisnik podataka.

Član 4.
(Pristupne tačke)

(1) Pristupne tačke Agencije preko kojih se vrši prijenos i razmjena podataka navedene su u Prilogu ovog Sporazuma.

(2) Za bezbjednost LAN mreže na svojoj lokaciji, kao i administraciju i održavanje kompletne opreme na svojoj lokaciji, zadužen je Korisnik podataka.

Član 5.
(IP adresa za uspostavu konekcije)

(1) Agencija definiše IP adresni opseg iz LAN mreže na lokaciji Korisnika podataka iz kojeg će se pristupati resursima unutar Agencije.

(2) Agencija će Korisniku podataka, u pisanoj formi, dostaviti sve parametre neophodne za uspostavu konekcije. Budući da se radi o POVJERLJIVIM informacijama, Korisnik podataka će iste koristiti samo za potrebe definisane ovim Sporazumom, te je u potpunosti odgovoran za čuvanje dostavljenih podataka.

Član 6.
(Izmjena pristupne tačke)

(1) U cilju povećanja efikasnosti, funkcionalnosti, raspoloživosti i bezbjednosti cjelokupnog sistema, Agencija zadržava mogućnost izmjene pristupne tačke u nadležnosti Agencije, navedene u Prilogu ovog Sporazuma, o čemu će se Korisnik podataka prethodno obavijestiti.

(2) Potpisnici Sporazuma su saglasni da će sve izmjene i dopune pristupnih tački ostvarivati izmjenom Priloga koji će biti sastavni dio ovog Sporazuma.

Član 7.
(Kontakt osoba)

(1) Korisnik podataka se obavezuje imenovati nadležnog administratora koji će biti zadužen za administraciju ispred Korisnika podataka, i zadužen za sprovođenje pravila sigurnosti definisanih od strane Agencije.

(2) Korisnik podataka je dužan da donese podzakonske akte koji definišu zaštitu podataka i garantuju zakonit pristup svojih službenika podacima koji se nalaze u Agenciji.

Član 8.
(Obaveza primjene propisa)

(1) Korisnik podataka se obavezuje da podatke koristi isključivo za potrebe svog redovnog poslovanja, poštujući principe i uslove definisane Zakonom o Agenciji za identifikaciona dokumenta, evidenciju i razmjenu podataka BiH, Zakonom o zaštiti ličnih podataka ("Službeni glasnik BiH" broj 49/06, 76/11 i 89/11), Pravilnikom o načinu pristupa evidencijama i razmjeni podataka ("Službeni glasnik BiH" broj 35/09 i 55/15), te Standardima zaštite na lokacijama i preporuke za rad službenika nadležnih organa - verzija 4 i Standardima za opremu i softvere – verzija 8. od 30.04.2024. godine, koji su dostupni sa zvaničnoj web stranici Agencije www.ddeea.gov.ba.

(2) Da bi ostvario pristup određenim ličnim podacima, Korisnik podataka se obavezuje da predhodno pribavi saglasnost nosioca podatka za pristup njegovim podacima.

(3) Korisnik podataka može ostvariti pristupiti određenim ličnim podacima i bez saglasnosti nosioca podatka samo u slučaju ako su ispunjeni uslovi iz člana 6. Zakona o zaštiti ličnih podataka.

Član 9.
(Kontrola primjene standarda)

(1) Korisnik podataka je saglasan da Agencija može izvršiti kontrolu opreme koju Korisnik podataka koristi u procesu obrade i razmjene podataka, te opreme na lokacijama sa koje se vrši pristup sistemu evidencija i razmjene podataka, u smislu da li navedena oprema zadovoljava definirane standarde od strane Agencije, kao i standarde u pogledu sigurnosti i zaštite podataka i sistema.

(2) U slučaju da Agencija utvrdi da oprema, iz prethodnog stava, ne zadovoljava definirane standarde, stranke su saglasne da Agencija može privremeno obustaviti pristup evidenciji dok se ne otklone nedostaci.

Član 10.
(Trajanje Sporazuma)

(1) Ovaj Sporazum zaključuje se na neodređeno vrijeme.

(2) Svaka potpisnica Sporazuma ima pravo jednostrano raskinuti Sporazum, uz otkazni rok od 30 dana.

(3) U slučaju raskida Sporazuma, Agencija će Korisniku podataka obustaviti dalji pristup podacima iz evidencija koji je predmet ovog Sporazuma.


Član 11.
(Rješavanje sporova)

Za sve eventualne sporove, potpisnici sporazuma će pokušati riješiti sporazumno, a u protivnom nadležan je sud prema sjedištu Agencije.

Član 12.
(Broj primjeraka Sporazuma)

Ovaj Sporazum sačinjen je u četiri (4) istovjetna primjerka od kojih svaka od potpisnica sporazuma zadržava po dva (2) primjerka.

GRAD ZAVIDOVIĆI


GRADONAČELNICA
Mr.iur. Erna Merdić Smalhodžić

Erna

Agencija za identifikaciona
dokumenta, evidenciju i
razmjenu podataka BiH


DIREKTOR
Prof. dr. Almir Badnjević
Signed by: Almir Badnjević
original / original / original / original / original / original / original / original / original / original
UP-15-06/3-07-8-940-3/2025
Datum: 05.03.2025. godine